

豫章叢書

第二三〇冊

藏

書

集

書

新刊

朝散集卷八

宋 孔平仲 毅父 著

詩戲

十三日南湖之集賓主六人謹呈詩十韻

律管秋灰動銖衣暑服輕居官半舜牧環坐列周卿
攬轡湖邊集談經席上傾逸交希李白奇策擬陳平
博弈休言戲韜鈴且議兵續箋詩義白重演卦爻成
午日停龍馭西風挂鵲程弓鈞寒力壯天暮霽華明
綠野接鄉遂良辰推甲庚浴沂人已散終日夢魂清

再吟六詩四首

摩天皆勁翮對壘盡雄師漢士增三傑唐儒益二夔
素修同德行良會展尊彝恥佩蘇秦印閑吟谷永詩
郡條頒美政邦典守新規暗換陰陽氣平分晝夜時
南朝餘草樹戰國舊城池弱跪霜前蟬奇眸水底龜
風標觀畫鶴禍福中靈棋尼父談諸蔽尤當謹禮儀

又

累日欲修禮今茲清飲陪

飲用六清

位分乾卦畫人比晉

卿才宗廟精禋近侯邦舞羽來光華連七壁符采綴

三台儀鳳須論德良弓自有材雄銘皆帝劍

衛綰先帝賜臣

六劍直節倍公槐吏計無先善人情且去哀箴思丹展

補李德裕丹彩喜碧油回穆若親朋會欣然肺腑開

馳蛟參俊軌楚詞馳六蛟兮上征朽御愧駑駘

又

侯服安無事官曹靜不譁疇非信善友孟子俱是孝

廉家汝南六荀袞傳榮耀荀氏家傳袞溫龍競爪牙

溫美兄弟六尺輿思附鳳六尺角扇笑紫蛇王羲之題六角

扇士習賢科論人趨太守衙莊衢當自騁陳藥更誰

誇和露餐荷葉法慶朝進臨流飲雪花草萊依瑞穗

導一莖六穗于庖荆布綴明珈且固官庭守寧憂柄用賒他

時搖玉佩上元夫人鰲禁定聯華

又

龍笛霜號竅笛六熊旗露綴旂熊旗六追歡品加豆楚

享鄭加籩偷暇日要囚要囚五周冕英才集周禮商

豆六品六日周冕英才集六冕商

瑚瑞氣浮商之六金鼓書屢講金版六蓬矢志須酬蓬矢六

草樹雙仙島風煙半玉樓畫圖觀隰駁果實採沅榴

宋書武陵臨沅敷通貴人無恙賈誼六七承平府孔

安石榴一蒂六實通貴人無恙貴人無恙承平府孔

修官非劍外久凌策六課比茂陵優蕭育茂陵時變

休成論王通作詩變論六篇皇明已照幽皇明燭幽又責躬無

復事六事嘉穀藹高秋六穀

十畫農謠一首

春雨津浹洽秋苗香苾芬京坻看便是完固促修囷
十畫惜別一首呈陸亨孺

恬和効春律芳茂若秋松孟畢花枝放吳秭俳笑空
九畫一首

坦直吾所知良彥君長者村邦柱材美丞府依炉冶
弗忘念夙昔吟奕同茭舍

八畫一首

牧守有民社佳言多告余金芝先出谷奔召戒征車
七畫一首

予兮仲尼后老作外州行丹穴屯戎伍朱衣走吏兵

十畫四言

亨倅沉俗泥虬卧虹星君促面省座班封修治克茂
果見昌宗恥於便侍宜効孤忠

寄孫元忠

俱集杜句

君不見瀟湘之山衡山高八月秋高風怒號草木黃
落龍正蟄哀鴻獨叫求其曹男兒生無所成頭皓白
漂零已是滄浪客呼兒覓紙一題詩此心炯炯君應
識抱病江天白首郎秋風此日敝衣裳看我形容色
枯槁此其有意仍騰驤一官羈絆實藏身富貴於我
如浮雲致君堯舜付公等幾時高義排金門

嗚呼古人已糞土紛紛輕薄何須數當面輸心背面
笑翻手作雲覆手雨感君意氣無所惜於我見子真
顏色人生會合不可常昔者相遇今不得不恨我衰
子貴時經濟實藉英雄姿君有長才不貧賤莫令斬
斷青雲梯驂騑作駒已汗血坐看千里當霜蹄省郎
京尹必俯拾軍符俟印取起遲

歲云暮矣多北風瀟湘洞庭虛映空中有雲氣隨飛
龍黃鵠高於五尺童殊方日落元猿哭蕪沒瀟岸千
株菊少壯幾時奈老何喧呼且覆杯中綠

老去悲秋強自寬衰顏欲付紫金丹坐卧只多少行

立豈可久在王侯間與君相逢未恨晚他日更僕語
不淺瀟湘水國傍鼃鼃吏情更覺滄洲遠雄姿逸態
何嵒崕自是君身有仙骨彩服日向庭幃趨百年未
見歡娛畢拖玉腰金致主身起居八座太夫人爾家
最近魁三象文彩風流今尙存

似君須向古人求夙昔一逢無此流文章有神交有
道名位豈肯卑微休憊權奇難具論驚鳥舉翮連
青雲無路從容陪語笑使我歎恨傷精魂故人情誼
晚誰似神傾意豁真佳士可憐懷抱向人盡再爲後
會知何地

老大悲傷未拂衣白頭吟望苦低垂魚龍寂寞秋江
冷不見湘妃鼓瑟時獨立縹緲之飛樓更有澄江銷
客愁無邊木葉蕭蕭下萬里風煙接素秋天清小城
搗練急漁翁暝踏孤舟立嫩葳濃花滿目斑臨風三
嗅馨香泣玉几由來天北極雲近蓬萊常好色五更
三點入鷓鴣行朝回君是同舍客

豈意出守江城居此身已媿出人扶青眼高歌望吾
子早據要路思捐驅秋風歛吸吹南國天地黯慘忽
異色江石決裂青風摧波漂菰米沉雲黑儒術於我
何有哉口雖吟詠心中哀隱居欲就廬山遠黃帽青

鞋歸去來秋水浮塹溜決渠啼猿僻在楚山隅白沙
翠竹江村暮斗酒新詩終日疎男兒生不成名身已
老但話夙昔傷懷抱客至徒噴不出迎迎逢少壯非
吾道自斷此生休問天焉能終日心拳拳人生幾何
春已夏況我與子非壯年東流江水西飛燕可惜刻
漏隨更箭細推物理須行樂只願無事長相見

小臣魯鈍無所能況乃疎頑臨事拙今幸樂國養微
軀主恩前後三持節未有涓埃答聖朝却教江漢客
魂消雲白山青千萬里便應黃髮老漁樵秋風蕭蕭
露泥泥美人娟娟隔秋水揚眉結義黃金台欲向何

門廳珠履案頭乾死讀書螢遮莫鄰雞下五更老夫
卧穩朝慵起肯信吾兼吏隱名注目寒江倚山閣碧
瓦朱甍照城郭雲物不殊鄉國異形勝有餘風土惡
堦面青苔先自生况乃秋後轉多蠅巫山不見廬山
遠悵望秋天虛翠屏隱几蕭條戴鶻冠強移栖息一
枝安重陽獨酌盃中酒醉把茱萸子細看羞見黃花
無數新當令美味入吾唇久拚野鶴如霜鬢何用浮
名絆此身

高棟層軒已自涼青楓葉赤天雨霜自公多暇迎參
佐行酒賦詩殊未央共指西日不相貸萬事盡付形

骸外自笑狂夫老更狂詩酒尙堪驅使在

搖落深知宋玉悲東流之外西日微寒衣處處催刀
尺誰家搗練風淒淒離邊老却陶潛菊前飛禿鶯後
鴻鵠安得送我置汝傍悵望聊歌紫芝曲

秋風淅淅吹我衣日日江樓坐翠微江光隱見黿鼉
窟水鳥銜魚來去飛菱葉荷花靜如拭清簟疎簾看
奕棋雷聲忽送千峯雨波光萬頃堆琉璃

草閣柴扉星散居遠開山岳散江湖蒼苔濁酒林中
靜丹橘黃柑此地無洞庭揚波江漢回顧吹野水添
金杯巢燕養雛渾去盡鄰雞還過短牆來

秋來相顧尚飄蓬兼泛滄浪學釣翁鐘鼎山林各天性知君才是濟川功萬里寒空只一日會是排風有毛質扳龍附鳳世莫當莫度清秋吟蟋蟀

諸公袞袞登台省後來況接才華盛天涯風俗自相親歲暮陰陽催短景江風颯颯亂帆秋天入滄浪一釣舟愁極本憑詩遣興朔雲寒菊倍離憂

秋水才深四五尺風燈照夜欲三更千崖無人萬壑靜新月猶懸雙杵鳴衰顏動覓藜床坐仰看明星當空大請君一來開我愁南浮早鼓瀟湘柁

可憐爲人好心事念我能書數字至人生會面難再

得安得如鳥有羽翅日暮聊爲梁甫吟非子誰復見
幽心入懷本倚崑山玉許身媿比雙南金

腐儒衰晚謬通籍齒牙欲落眞可惜滄浪水深青冥
關山鬼幽憂雪霜逼老去深知見面稀被褐短窄鬢
如絲秋天漠漠雨昏黑獨立蒼茫自詠詩

江上形容吾獨老百壺且試開懷抱妙舞逶迤夜未
休多情依舊能潦倒雨洗紅蕖冉冉香玉樽錦席高
雲涼酒酣耳熱忘頭白老儒不用尙書郎

江上今朝寒雨歇倏然欲下陰山雪山巔朱鳳聲噉
噉白鵝翅垂眼流血老夫清晨梳白頭杖藜徐步立

芳洲使我殘年飽喫飯微軀此外更何求

神仙中人不易得京中舊見君顏色同心不減骨肉
親我居巷南子巷北佳人屢出董嬌嬈秋水爲神玉
爲骨狐城此日堪腸斷旣飽歡娛亦蕭瑟

封書寄與淚潺湲童稚情親四十年離別不堪無限
意斷腸分手各風煙反鎖衡門守環堵聞道三年未
曾語數篇今見古人詩更覺良工心獨苦

孫元忠寄示種竹詩戲以二十篇答

青錢買野竹持筴翠琅玕深栽小齋後幽事頗相關
自有煙霧質能令朱夏寒引溜加灌溉無令霜雪殘